

Symma Juris Canonici

Comprehensa Tribus Partibus In Qua Distincte Et Succincte Explicantur,
quae ad personas, negotia, & iudicia Ecclesiastica ex Canonum præscripto,
pertinent

Sive Commentarius In Regulas Juris Pontificii, Quæ In Libro Quinto, Et
Sexto Decretalium Continentur

Strein, Johann

Coloniæ Agrippinæ, 1659

Regula XXVI. Ea, quæ fiunt à iudice, si ad eius non spectant officium
viribus non subsistunt.

[urn:nbn:de:hbz:466:1-61853](https://nbn-resolving.de/urn:nbn:de:hbz:466:1-61853)

causam fidejubere. *l.* Si fideiussor. tit. de fideiuss. quæ sit de natura actionis. Sociorum denique commune periculum; commodum & incommodum est, & sibi quisque imputare debet, qui parum diligenti socio se conjunxerit. *Inst. de societate.* *§. fin.* Qui parum diligentem socium sibi assumit, de se queri, sibiique hoc imputare debet.

Objic. *4.* Cagus me injusto metu coegerit ad tradendum illi equum meum, adeoque in morâ constitutus est, non

reddendo, quod iniquè possidet nihilominus si casu aliquo, seu fato equus perierit, ab onere restituendi illum liberatur. *l.* Si cum. *§. 1.* tit. mandati, ergo mora aliquibus non est damnoosa.

R. Quamvis à reddenda specie, seu equo ipso, qui periret restituendo liberetur, non liberatur tamen ab astimatione seu pretio: & præterea pecuniam tripli solvere cogitur. *§. Tripli. Inst. de action.* Nihil igitur lucri ex mora sua trahit. *V. Socinum in reg. 328. & seqq.*

REGVLA XXVI.

Ea, quæ fiunt à Iudice, si ad eius non spectant officium viribus non subsistunt.

l. *I*isdem penè verbis *Ulpianus in l. seu Regula. I. C. 132.* dixit olim factum à judge, quod ad officium ejus non pertinet, ratum non est. Nam quæ geruntur à judge, vim & effectum sortiuntur ab officio ipsius, & jurisdictione: hoc igitur sublatâ corruant omnia, necesse est. Ad quod declarandum *Glossa* utitur exemplis in speciem, & ad literam impertinentibus. Nam *1.* simplex presbyter sit, ordines conferendo, chrismando, Virgines conferrando nihil agit. *c. Quorum vices. d. 68.*

2. Indulgentiæ ab Episcopo datæ ultra tenorem Conc. Generalis validæ non sunt. *c. Indulgentia de pen & remiss.*

3. Simplex Sacerdos, Archidiaconus, Decanus, vel Cantor, non tamen Episcopum ordinavit aliquem in Diaconum proferendo verba alias consue-

ta. Talis non est, nec agnoscitur pro Diacono propter defectum potestatis *Ita Gloss.* Verè quidem, sed non ad primarium Regulæ finem, ac scopum: nisi sub *Iudicis* titulo quamlibet potestatem intelligas cum *Caramuel. In Theol. fundam. p. 242.* Igitur Dyni exemplis utamur. *1.* Si judex Laicus condenset aliquem, quem constat clericum esse, & non de jurisdictione sua, non valet ipso jure sententia. *2.* Idem dicendum, si contra laicum pronuntiat sententiam, cuius competens judex non est. *3.* Si tempore feriarum judex processit, utraque parte non consentiente, ipso jure non valet sententia. *4.* Invalida dispositio est, si judex pupillo sibi non subiecto tutorem dederit, & vicissim, si pupillo subiecto non subiectum tutorem. *l. sciare oportet. §. fin. tit. de excusatione.*

sat. tutorum. Ita ferè Dynus, subiungens Regulam intelligendam esse de illicet tantum, quæ constat, non pertinere ad officium iudicis. Nam in dubiis pro iudice præsumitur, ad munus cuius spectat examinare ea, quæ ad suā jurisdictionē pertinet. *c. super literis de rescr. l. si quis aliena. 15. tit. de iudic. & interim gesta valent per eum mero jure. Barb. ex communi.* Addit Panorm. in c. *Super literis. cit.* Iudicem ideo suspectum non fieri, quod non ingerit se, sed quod suis muneris est, facit juxta l. 2. tit. si quia in ius vocetur, *c. Qualiter, & quando. de accusat.* Ista tamen suas exceptiones habent, quemadmodum in Auctoribus apud Dignum citatis reperies in additionibus *l. f. 261. V. Gaill. l. 1. obs. 34. Roderic. tom. II. q. 14. art. 3. §. Advertendum tamen.*

II. Amplia r' ut valeat tam in extra judicialibus, quam in judicialibus judicis auctoritate expediendis. Cuncta enim quæ hujus generis sunt, à legitima iudicantis potestate pendent. *Anchora. hic. col. 2.*

2. Ut valeat non solum, quando ab solutè quipiam definit iudex, sed etiam, quando modum consuetum non obseruat in citando, examinando, recipiendo testes, & similia. *Gaill. l. 1. obs. 48. & 54. Idem de loco & territorio dicendum.*

3. Ut valeat etiam contra statutum, de non opponendo ullam exceptionem quia exceptio iudicis incompetens etiam post tres sententias conformes opponi potest. *Gaill. l. 1. obs. 42. n. 12. Gloss. in Clem. 1. de sequestratione possessorum. Decius Consil. 520. n. 12.*

4. Ut extendatur ad supremos Principes, & judices. Nam si Papa limites potestatis sue prætergressus sententiam ferat in paganum aliquem, & infidelem Dynastam, vel populum defectu potestitis non subsisteret. *Sylv. V. Papa. num. 7.* Item si Imperator quamvis pio affectu circa personas, vel res Ecclesiasticas etiam cum magno emolumento disposuerit, nullum robur habebit. *c. Verum. &c. Imperator. dist. 96. Gaill. l. 2. obs. 32.*

5. Quamvis partes in latam sententiam consentiant, non ideo rata, & valida erit, quod non ad partium voluntatem, sed iudicis auctoritatem, & potestatem attendimus. Si autem de eadem re pactum inire voluerint, iura minime resistunt, cum nihil hinc detrimenti timendum videatur.

6. Denique si cum *Gloss.* extendere velis ad alios etiam non iudicis, qui qualémcunq; potestatem habent, latissimum campum aperies, sed absque fructu, & præter intentionem Regulæ, ut supra monui.

III. Obs. Sententia excommunicationis etiam injusta metuenda est. *c. Quibus. Episcopi XI. q. 3.* Ergo non semper invalida est actio impertinentis iudicis.

R. in citat, cap. sermo est, quemadmodum *Gloss. notat.* de sententia excommunicationis, quæ est justa ex ordine judiciario, sed aliunde constat eam injustam esse. Timenda ergo dicitur, tum propter auctoritatem iudicis, pro quo in dubiis militat præsumptio, tum propter execu,

executionem, quæ apud ignaros cursum suum habet, & plurimum nocet etiam innocentibus.

Obj. 2. In l. Capitalium. §. famosos. tit. de pœnis. statuitur, ut qui deliquerunt, in locum delicti remittatur, ut in solatium, & satisfactionem eorum, qui læsi sunt, in præsentia illorum castigentur; nit. i. omnis Iudex raptorem

virginis non remittens nulla pena afficitur. l. un. C. de raptu Virg.

R. Ita specialiter sanctum est odio raptus, quia crimen est, nec quoad malitiam internam simplex, nec quoad familiae perturbationem & innumeram damna. Iudex igitur non remittens raptorem, quæ munera sui sunt, excusat, & laudem meretur.

REGVLA XXVII.

Scienti & consentienti non fit iniuria, neque dolus.

I. Concordat illi I.C. 187. Nemo fraudare videtur eos, qui sciunt, & consentiunt. Nam qui iniuriam ad animum suum non revocat, de relinquere, & contemnere censetur. § ult. Inst. de iniuriis. Pro explicatione notandum est, 1. copulativè dici, scienti, & consentienti: quod nihil obstat, quod minus scienti iniuria sit, quemadmodum contingit omnibus, qui in manus latrocinantium incident, quos nihilo minus iniuriam pati, manifestum est. Similiter consentienti & non scienti iniuria sit, puta amenti, vel impuberi. 2. Quid hic dolus vocetur, nimirum omnis calliditas fallacia, machinatio ad circumveniendū, & fallēdum alium adhibita secundū Labeonem. tit. de dol. mali. l. 1. & 2. 3. Quod dicitur scienti intellige, vel de actuali cognitione, vel debito habendi illam. Nam qui ignorat, quod scire debet, excusationem non meretur cap. i. de postul. Prælator. 4. duas esse partes Regulæ, uti Dynus

observavit. Vna est Scienti, & consentienti non fieri iniuriam: altera Scienti, & consentienti non fieri dolum, eo scilicet modo, ut inde actionem habeat passus, aut deceptus.

Exemplum sit 1. si ingenuus cum serva matrimonium contraxit liberè, sciens servam esse, non potest excipere dolum vel iniuriam. c. Si quis ingenuus. & c. si femina. 29. q. 2. 2. Si duo clerici etiā in majori ætate se invicem jocosa levitate percusserint, neque iniuriam inferunt, nec excommunicacionem incurront. c. i. de sent. excommun. 3. Qui domum emit, sciens servitutem debere, de ea non habet exceptionem, sed sibi imputet. l. i. tit. de actione empti, & venditi, ita Goff.

II. Amplia 1. sive re ipsa sciat, sive presumptivè tantum: sive consentiat expressè, sive tacitè. Hæc enim in iure æquantur. V. Gaill. l. 2. obs. 98. n. 21. Barbos. in axiom. 218.

Amplia 2. Sive scientia, & consensus,